



Finansira
Evropska unija

Regionalni program lokalne demokratije na Zapadnom Balkanu 2 ReLOaD2



u partnerstvu sa Opštinom Rudo

Izvještaj o održanom prvom mentorskom sastanku u okviru javnog poziva za predaju projektnih prijedloga u sklopu projekta Regionalni program lokalne demokratije na Zapadnom Balkanu (ReLOaD2) u Opštini Rudo

U okviru Javnog poziva za organizacije civilnog društva/nevladine organizacije za predaju prijedloga projekata, koji se sprovodi u sklopu projekta „Regionalni program lokalne demokratije na Zapadnom Balkanu“ (ReLOaD2)¹ u saradnji sa Opštinom Rudo, u petak (27. oktobra, 2023. godine) od 11 do 13 sati održan je prvi mentorski sastanak za zainteresovane predstavnike/ice organizacija civilnog društva (OCD). Prvi mentorski sastanak održan je u maloj Sali Doma kulture i bio je prilika da predstavnici/ce OCD-a sa mentorom javno diskutuju o nedoumicama i dilemama u okviru pripreme projektnih prijedloga.

Termin prvog mentorskog sastanka bio je objavljen na zvaničnoj internet stranici Opštine Rudo. Prvom mentorskom sastanku prisustvovalo je ukupno deset učesnika/ca (4M; 6Ž) i to sedam predstavnika/ca OCD, dvije predstavnice Lokalne razvojne agencije Rudo i UN volonterka.

Na početku mentorskog sastanka, učesnicima je ponovno pojašnjena uloga mentora/ice i svrha održavanja mentorskih sastanaka. Tom prilikom je naglašeno kako je uloga mentora/ice **da pomogne u otklanjanju dilema i nedoumica koje predstavnici/e OCD mogu imati tokom pripreme projektnih prijedloga**, ali da **uloga mentora/ice nije da na bilo koji način učestvuje u izradi samih projektnih prijedloga**. Istaknuto je također da u cilju osiguranja i primjene transparentnog pristupa realizacija mentorstva, konsultacije „jedan na jedan“ sa predstavnicima/cama OCD nisu dozvoljene.

Na prvom mentorskom sastanku učesnicima/cama je detaljno prezentovan javni poziv, odnosno skrenuta pažnja na elemente javnog poziva koji su eliminatorni u procesu evaluacije projektnih prijedloga. Mentorica je naglasila kako projekti moraju biti u skladu s prioritarnim oblastima javnog poziva i to:

1. SOCIJALNOUKLJUČIVANJE I PODRŠKA UPOŠLJAVANJU

1.1. Organizovanje necertificiranih obuka za nezaposlena lica koje bi vodile ka povećanju znanja i vještina kod odraslih;

1.2. Osposobljavanje stanovništva za poljoprivredu;

2. ZAŠTITA ŽIVOTNE SREDINE

2.1. Projekti koji doprinose razvoju svijesti stanovništva o zaštiti životne sredine;

2.2. projekti koji doprinose podizanju svijesti građana i vlasnika pasa o sterilizaciji vlasničkih pasa ali i pasa lutalica;

2.3. Projekti koji doprinose podizanju svijesti o uzgajanju i sadnji medonosnih biljaka na širem području opštine kao mjera sprječavanja efekata klimatskih promjena;

3. PODSTICNANJE ZAPOŠLJAVANJA I AFIRMACIJA PREDUZETNIŠTVA

3.1. Inovativni projekti koji podstiču unapređenje znanja i vještina žena i mladih;

4. SOCIJALNA POLITIKA I ZAŠTITA ZDRAVLJA STANOVNIŠTVA

4.1. Inovativni projekti koji pomažu nove usluge za stara lica i socijalno ugrožene kategorije stanovništva;

4.2. Podrška osobama s poteškoćama u razvoju i njihovim porodicama kroz uvođenje potrebnih usluga (npr. logopedskih);

4.3. Projekti koji doprinose poboljšanju mentalnog zdravlja stanovništva

5. KULTURA I SPORT

5.1. Inovativni kulturni sadržaji za djecu i mlade;

¹Regionalni program lokalne demokratije na Zapadnom Balkanu (ReLOaD) finansira Evropska unija (EU), a provodi Razvojni program Ujedinjenih nacija (UNDP).



Finansira
Evropska unija

Regionalni program lokalne demokratije na Zapadnom Balkanu 2 ReLOaD2



5.2. Projekti koji doprinose stvaranju sportskih uslova za školsku djecu, sa posebnim akcentom na uključivanje djece iz ruralnih sredina;

6. NEFORMALNA EDUKACIJA

6.1. Podrška projektima koji podstiču razvoj inovativnih i edukativnih sadržaja za djecu i mlade na prostoru opštine Rudo;

6.2. Podrška projektima koji doprinose edukativnim sadržajima za djecu i mlade o umjetničkom izražavanju, edukaciji iz oblasti zaštite u Internet okruženju, digitalizaciji kreativnog stvaranja (škola fotografije, izrada reklama i sl.);

7. MLADI

7.1. Projekti koji promovišu volonterizam i interakciju mladih;

7.2. Projekti koji doprinose većoj socijalizaciji kroz razvoj kvalitetnijih sadržaja za djecu i mlade na selu.

Jedna od predstavnika OCD-a je istakao kako se njihova projektna ideja uklapa u dvije oblasti, te je u nedoumici da li je ovakav način usklađivanja projekta sa prioritnim oblastima dozvoljen. Mentorica je pojasnila kako je usklađivanje projekta s dvije ili više oblasti čak prihvatljivo, o čemu će Komisija posebno voditi računa prilikom evaluacije projektnih prijedloga.

Učesnicima/cama sastanka skrenuta je pažnja na dokumentaciju koju će, uz četiri obavezna dokumenta projekta, predati na javni poziv. Ovdje je posebno poentirana ovjerena kopija važećeg Izvoda iz sudskog registra dobijena od nadležnog ministarstva/suda u Republici Srpskoj. Mentorica je naglasila kako će projekat bilo koje organizacije ukoliko umjesto Izvoda dostavi Rješenje o registraciji organizacije biti diskvalifikovan iz daljnjeg procesa evaluacije.

Mentorica je prisutne upozнала i sa ostalim uslovima za diskvalifikaciju projektnih prijedloga a koji se odnose na:

- Nepotpunu dokumentaciju, odnosno svaki dokument koji je tražen u javnom pozivu mora biti i sastavni dio projektne aplikacije;
- Nepridržavanje perioda trajanja implementacije projekta, odnosno projekti minimalno moraju trajati šest, a maksimalno 12 mjeseci i moraju biti implementirani u periodu od 1. januara do 31. decembra, 2024. godine;
- Nepridržavanje granica budžeta, odnosno vrijednost projekta minimalno može biti 10.000,00 KM, a maksimalno 50.000,00 KM.
- Nepridržavanje teritorijalne zastupljenosti, svaki projekat mora biti realizovan na teritoriji Opštine Rudo, a ciljna grupa moraju biti stanovnici ove jedinice lokalne samouprave;
- Nepridržavanje budžetskih pragova, odnosno administrativni troškovi u budžetu (ljudski resursi, režijski troškovi, kancelarijski materija, prevoz) ne smiju prelaziti 30% ukupne vrijednosti budžeta, nabavka opreme ne smije prelaziti 30% ukupne vrijednosti budžeta, a troškovi vidljivosti ne smiju prelaziti 5% vrijednosti ukupnog budžeta;
- Diskontinuitet u realizaciji aktivnosti, odnosno u toku trajanja projekta u svakom mjesecu moraju biti predviđene projektne aktivnosti.

Mentorica je prisutne podsjetila da projekat mora biti dostavljen na propisanim obrascima, te da projekti koji budu dostavljeni u drugoj formi neće biti razmatrani.

Na kraju sastanka mentorica se zahvalila prisutnim predstavnicima OCD na učešću, te najavila da će u srijedu 1. novembra, 2023. godine s početkom u 9 sati, također u maloj Sali Doma kulture biti organizovan drugi mentorski sastanak, a sve kako bi predstavnicima/cama OCD-a bila pružena podrška prilikom pripreme projektnih ideja. Planirano je da na narednom mentorskom sastanku organizacije pripreme nacrt logičke matrice i budžeta, te da s mentoricom riješe eventualne dileme i nedoumice u pogledu pripreme ovih dokumenata.

U svrhu transparentnosti, svi zapisnici, uključujući i ovaj, sa održanih sastanaka sa mentorom/icom će biti objavljeni na stranici Opštine Rudo. Na ovaj način bit će omogućeno da informacije budu dostupne za OCD koje nisu bile u mogućnosti da prisustvuju sastancima sa mentorom.